

III. OUTRAS DISPOSICIÓNS**ACADEMIA GALEGA DE SEGURIDADE PÚBLICA**

RESOLUCIÓN do 18 de agosto de 2026 pola que se convoca a segunda práctica do Plan anual de adestramento regulamentario para a seguridade no manexo das armas.

Dentro das actividades programadas para o ano 2026, e conforme as funcións atribuídas pola Lei 1/2007, do 15 de xaneiro, de creación da Academia Galega de Seguridade Pública, anúnciase a convocatoria da segunda práctica do Plan anual de adestramento regulamentario para a seguridade no manexo das armas, dos/das policía locais de Galicia, que se desenvolverá conforme as seguintes bases:

Obxectivos:

- Facilitar o cumprimento do disposto no artigo 11.4 da Lei 4/2007, do 20 de abril, de coordinación de policía locais.
- Dispoñer de persoal actualizado nas prácticas de armamento e tiro policial de defensa.
- Controlar a práctica anual e regulamentaria do cadro de persoal, mediante un control e unha cartilla de tiro individual.
- Establecer distintos niveis para categorías de tirador, segundo a seguridade e habilidade que demostre no manexo das armas.

Persoal destinatario:

A actividade vai dirixida ao persoal dos corpos das policía locais da Comunidade Autónoma de Galicia que cumpran co disposto no artigo 11.4 da Lei 4/2007, relativo a garantir unha adecuada preparación no uso da arma regulamentaria para o persoal dos corpos de policía local.

Para tal fin, a Dirección Xeral da Academia Galega de Seguridade Pública establece un plan anual de adestramento, no cal se inclúen dúas prácticas anuais para o persoal dos concellos interesados.

CVE-DOG: szzcedq0-83g8-ltr8-og53-mk4r8uicwfe4



Solicitudes:

Os concellos interesados deberán remitir o formulario que está na páxina web <https://agasp.xunta.gal/es> á Academia Galega de Seguridade Pública, antes do día 2 de outubro de 2026.

As solicitudes deberán presentarse a través do correo electrónico formacion.agasp@xunta.gal, indicando no asunto: Plan de tiro 2026, ou ben a través do rexistro electrónico.

As solicitudes deberán estar autorizadas pola alcaldía, concellaría ou xefatura, segundo proceda.

Todos aqueles concellos que adquirisen recentemente armas regulamentarias para a policía local terán preferencia para efectuar as prácticas regulamentarias, indispensables para un mellor coñecemento da nova arma e a adquisición da destreza suficiente para o seu manexo coa seguridade e habilidade necesarias.

Medios:

Para o desenvolvemento da actividade, o alumnado deberá traer a súa respectiva arma regulamentaria da dotación e a munición correspondente para as prácticas. A Academia Galega de Seguridade Pública nomeará o profesorado e as persoas instrutoras necesarias.

Determinación da data das prácticas. A seguir, sinálanse os días e as franxas horarias habilitadas dentro da segunda práctica do plan:

– Días: 13, 15, 27 e 29 de outubro; 3, 5, 10, 12, 17, 19, 24 e 26 de novembro de 2026.

– Franxas horarias:

- 1ª) das 10.00 ás 11.30 horas.
- 2ª) das 11.30 ás 13.00 horas.
- 3ª) das 13.00 ás 14.30 horas.
- 4ª) das 16.00 ás 17.30 horas.
- 5ª) das 17.30 ás 19.00 horas.
- 6ª) das 19.00 ás 20.30 horas.



Configurado o calendario segundo as solicitudes recibidas, comunicarase aos concellos coa finalidade de que, pola súa vez, informen con antelación suficiente da relación nominal do persoal participante na práctica.

Control e cartilla de tiro:

O control das prácticas do persoal xestionarano conxuntamente a Academia Galega de Seguridade Pública e a persoa designada polo concello.

Estableceranse niveis segundo a categoría e a habilidade que cada persoa tiradora amose nos aspectos tanto de seguridade como de manexo coas armas, niveis a que irá accedendo paulatinamente cada policía, se é o caso. Estes niveis constarán na cartilla ou documento de control que se dispoña para as prácticas de tiro, tal e como se indicaba no punto anterior.

Lugar:

As prácticas desenvolveranse na galería de tiro da Academia Galega de Seguridade Pública, sita na rúa da Cultura, s/n, no concello da Estrada (Pontevedra).

Modificacións:

A Academia Galega de Seguridade Pública poderá modificar o desenvolvemento do Plan anual de actualización para adaptalo ás necesidades da Administración e ás continxencias que poidan xurdir.

A Estrada, 18 de agosto de 2026

Santiago Villanueva Álvarez
Director xeral da Academia Galega de Seguridade Pública

CVE-DOG: szzcedq0-83g8-ltr8-og53-mk4r8uicwfe4

